

Basiliensis.

IOannes ille ex nobili familia de Venningen oriundus, sua eruditione & pietate effecit ut Basiliensis & Spirensis cathedraliū ecclesiarum Decanus crearetur. eas functiones cum dextrè administraret, factum est ut defuncto Arnolde à Rotburg Basiliensi episcopo ipse anno 1458 in eius locū surrogatus fuerit. Quam primum is eam dignitatem adeptus esset, cogitare coepit quam ratione Episcopatus ditionem à creditoribus liberare, atque Remplicam Basiliensem insigni aliquo beneficio afficere posset. Itaq; cum senatu urbis consilio inito, apud Pium secundum pontificem egit, ut Basileæ Academiam fundaret, atq; eam priuilegijs so-

litis exornaret. Fuerat Pius iam antea scriba in Concilio Basileæ, atq; Aeneas Syluius dictus, multis beneficijs ab eius loci incolis affectus. Itaq; episcopo et senatui, qui per legatos suos Romam uenientes id anxie petebant, satisfecit, atq; Basileæ Vniuersitatem, iuxta Bononiensis scholæ leges instituit, atq; eandem multis priuilegijs & immunitatibus exornauit: Hunc etiam episcopum atq; eius successores huins scholæ Cancellarios ordinauit. Quæ quidē omnia Fridericus Cæsar sua authoritate confirmauit.